

چند علیہ

مشيخت جليلہ اسلاميك جريدہ رسميه ميدير

۱۵ رمضان سنہ ۱۳۳۸

دارالحکمة الاسلاميه طرفدن نشر اولان بياننامه در

دين مبین محمدی دین فطریدر . فطرت سلیمه صاحبی اولان بر فرد صاحب شعور
بو حقیقی انکار ایدمهز . انکار ایدمهز اولور ایسه یافکرنده سلامت یوقدر ، یا نظرنده
اصابت . مزایای اسلامیه بی تتبع ایدن هیچ بر عقل سلیم صاحبی یوقدرکه اسلامک محاسن
لازمه بی جامع بر دین عالی اولدیغنی تسلیم ایتمه سین . اسلام دیمک نور انسانیتک منشور
تحلیلی دیمکدر اونور بسیطک الوان جاذبه کاری آنجق اومنشوردن کچرکدن صوکره
کوریلیر . ذات انسانیت دیمک اولان روحک بالقوه تضمن ایتدیکی کافه محاسن و معالی
آنجق اسلامک قلبه نافذ ، وجدانه حاکم اولمسیله آکلاشیلیر .

عالمده هیچ بر خیر یوقدرکه اسلام اونی حیطة تصرفه آلوب کرک فردی کرک اجتماعی
بر معادلتک حصوله خادم قیلماسین . فقط و حقیقتک بلا تردد تسلیمی انجون قلبک شوائب
غیظ و انکاردن بری اولمسی لازم کیر اگر قلب بو علتلر ایله معلول ایسه فکرده سلامت ،
نظرده اصابت قالماز . کافه اوامر الهیهک دنیوی ، اخروی نیجه نیجه فوائدی جامع اولدیغنی
کیم انکار ایدمیلیر ؟ جناب حق بزده امر ایلدیکی هر شیده بعضیسنی عغلا مدرك اولدیغز ،
بعضیسنه عقل ایردیردیمیکمز بر جوق فوائد اندماج ایتشدیر .

بعض کیمسه لرك عقل ظن ایتدکلری رهبر ضالاله اقتدا ایله هر شیشی کندی هوا
وهوسلرینه کوره تفسیر و تأویله قیام ایتملری الک جلی حقایق انکاره حتی انکار دکل معاذالله
تعالی بعض کرده استحقارده یلتمه لری دینه قارشى برجنایت اولدیغنی کبی انسانیته قارشى ده
پک بیوک برخیا ندر .

ایشته دماغی تردی دن بری اولان هر صاحب اذعان دین مبینمرك هرامرخی انشراح
صدر ایله تلقی ده تردد ایتمز . حالزی اصلاح ، استقبالمزی تأمین ایدمهزک یکانه چاره بودر .
بوندن انحراف ایدمهزک اولور سهق عاقبتمز پک قرا . کقدر .

ملتمزک فلاحنی ایسه بالخاصه شان و طنک صلاحنده آرامق لازم کلدیکسندن هر شیتک
اولندن آخرنی کورن ارباب رویت دائماً کنجلمزک اطوارینه نصب نظر دقت ایلکددر .
حیتدن نصیبه دار اولان هر کس نسل آتی دیدیکمز بو وطن یاورولرینی مادی ، معنوی
پک یوکسک بر مرتبه ده کورمک ایستر . ملتک آیینی آنجق بو مفکوردهک تجلی ساحه سنه .

گمکنده کورور . کنجلمز هرشیدن اول دیندار اولمی در فقط بودیندارلق لفظده قلاملی در . بولفظک تضمن ایتدیکی معناقله نفوذ ایتلی در . خیرات سائر دینک مستیجات ضروریه سندنر . قلب نور ایمان واسلام ایله تنویر ایدیلچه کیدیلجک یول کوریلجک تهلکه دن محافظه نفس ایدیلیر .

شوراسنی سویله مکده ذره قدر تردد جائز دکلدرکه ایوم مدینت حیاتی دینلر حیات سفیلانه انسانیتی یملدن ییقاچق نامتناهی ردائلی احتوا ایلکده در . بوسوز قول مجرد دکل ، ینه اوروپا فضلاسک آثار مدونه سیله ثابت بر حقیقتدر . فقط نه فائده که هوا پرستان غریبده حق و حقیقه تمایل قابلیتی قلامش ! اوروپا علماسندن هانکیسه منصفانه حسیحال ایدیلجک اولسه آنلرده خلقت بوصورته میال ضلال اولسیندن مشتکی ! هبسی موقوفه فاعتی تقدیر ، فقط بوهای هوی ضلال آراسنده اسراع حقیقت ممکن اولدیغنی متأسفانه تکرار ایدیورلر . بوی براقلم ، کتبخانه لر طولوسی آثار جندی غریبه میداننده عجبا بوئرلرک هانکیسی بورذائلی توصیه ایتکده در ؟

ایشته کنجلمز بومجئده غایت متبصرانه حرکت ایدیلرک عنایت حقله المزده قالاچق اولان یلرک قولرینی تمامیه بوفضایچه قارشى مسدود بولندرملی در . اما بوکا تعصب دینلجک ایش ، وارسین دینسین . بوتعیر انسان اولق آرزوسندن مجرد ایدن سفهانک معناسنی بیلمدن هر برده قوللاقم ایسته دکلری برآلت تروردر .

کنجلمز هرشیدن اول دیندار اولورلرسه هیچ برطرفدن توصیه یه حاجت قالمیسزین بوحقیقتلری کوروب مقتضاسنه توفیق حرکت ایدرلر . سابرین کنج اوغلرمنله کنج قیرلرمنک حیات سفهانک آرایش کاذبه قانیلمیوب هر حال وکارده یقین دینی مستند برجدتی بدرقه حرکت اتحادا تمیزی خالصانه مشفقانه توصیه اولنور . زیرامادی معنوی سعادت مز فلاح ونجاتمز آنجی بو طریق بولک ایله تأمین ایدیلیر . اگر کنجک تمایلات سفلیه پیشنده قوشه حق اولورسه صولک موجه فلاکت اوله رق وای بزم حالمزه دیمکدن بشقه سویله جک سوزده قالماز ، چونکه زمانک شاقه سی یوقدر . او بر مؤدب قاهر در . جمله من اوتادیبک طادینی طادق ، بو فلاکتلر انشاء الله بادی انتباهمز اولمشدر . فلاکتلر موجب یأس اولورسه نتیجه وخیم اولور . حساب حقک لطفنه مظهر اولمقن امید کسلمز . فقط اولطفک ورودینه محل اوله حق استعدادی اله ایتک بشرطدر . رمز تعالی و تقدس حضرتلری جمله امت محمدی توفیقات صمدانیسه مقرون بویورسون آمین .